

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Pauperum potestas regia, etiam in hac vita.

urn:nbn:de:hbz:466:1-45699

Matth. 5. 3.

mortem; ad tormenta, ita pauperes spiritu ad gaudia tendunt;
 quoniam ipsorum est regnum cælorum. Non est ipsorum quidem ter-
 ra, sed maius quid, nempe ipsum regnum cælorum; vt de D. Mar-
 tino Turonensi Episcopo canit Ecclesia: *Martinus hic pauper, calum-*
dines ingreditur, nam ex promissio Christi, ipsius est regnum cælorum.
 Ex quo Christi oraculo duo intelliguntur: primum est eiusmodi
 pauperes non in altera duntaxat vita, sed etiam in hac diuitibus
 esse beatiores. Alterum, eos non sibi duntaxat, sed etiam alijs es-
 se viliores. Quod inde potest doceri; quia tametsi Seruator no-
 ster etiam mitibus, & misericordibus, & mundis corde, &c. re-
 gnum cælorum promittat, non promittit tamen, sub nomine re-
 gni cælorum, sicut paupertati voluntarie, & patientie in tribula-
 tionibus est promissum. Mitibus enim sub nomine *terra*, miseri-
 cordibus sub nomine *misericordia*, mundis corde sub nomine *vifio-*
nis Dei, lugentibus sub nomine *consolationis* &c: beatitudinem æ-
 ternam consignat. Pauperes vero beati dicuntur, *quoniam ipsorum*
est regnum cælorum, eminent enim inter ceteros, quasi quidam re-
 ges. Qua de causa non ait: *quoniam ipsi sunt de regno cælorum*; sed,
ipsorum est regnum cælorum. Quod ergo discrimen est inter reges
 & subditos, id quodammodo est inter pauperes ac diuites beatos:
 Regis regnum, subditi de regno esse dicuntur. Cum ergo ait Do-
 minus, *ipsorum est regnum*, ita eos extollit, vt pro regibus velit ha-
 berri. Quod si hoc verum est in ijs pauperibus, qui non sponte, sed
 patienter tantum sunt pauperes, quanto magis conueniet illis, qui
 libera voluntate diuitias abijcent, & calcant, paupertatemque
 vltro profitentur?

II.

Iam vero illud consideratione dignum est, quod diuina sapi-
 entia, qua cæteris de futuro mercedem promittit, dicens: *poside-*
bunt terram; *consolabuntur*; *saturabuntur*; *misericordiam consequen-*
tur; *Deum videbunt*; *filiis Dei vocabuntur*: *solis autem pauperibus*, ac
persecutionem patientibus ait: *quoniam ipsorum est regnum cælorum*;
 quia, vt D. Bernardus ait: *Regnum cælorum pauperibus non tam pro-*
mittitur, quam datur. Hinc non dicit, *ipsorum erit*, sed, *est regnum*
cælorum. Etsi enim vera æternaq; beatitudo, non in hac, sed in al-
 tera primùm illis vita, haud secus ac ceteris sanctis, conferenda sit,
 Exod. 33. 20. *Iuxta illud: Non poteris videre faciem meam: non enim videbit me ho-*
mo,

¶. & vices, attem honoris & caritatis causâ iam illorum esse dicitur. Enim uero iam est, quoad quamđa iurisdictionera, ac potestatem id alijs quoq; aperiendi. Atque hoc est alterū, quod paulo prius diximus pauperes, alijs esse longe plus utiles, quam diuites. Diuites possunt alijs pecuniam, possunt vestem, possunt cibum, possunt domum dare, cælum dare non possunt. Atqui pauperes possunt. Non possent autem regnum cælorum alijs dare, si id illorum non esset. Regis esse regnum, propulum regni esse dicimus. Christus autem ait, pauperes non tantum ad regnum cælestē pertinere, sed etiam regnum cælestē esse ipsorum. Etenim adeò est illorum, ut habeant potestatem illud etiam alijs dandi, seu alios in illud recipiendi. Quomodo, inquies, possunt pauperes regnum cælorum alijs dare? Diuina id veritas docet his verbis: *Fa-* Luc. 16. 9.
cite vobis amicos de mammona iniquitatis, ut cùm defeceritis, recipient vos in aeterna tabernacula. Ita enim planè est, ad hanc pauperes voluntarij gloriam euhuntur, ut veluti cælestes quidam reges, regnum cælorum, quod illorum est, etiam alijs distribuant. Quamquam enim hæc Dei sit iurisdictio propriè, tamen pauperes sic voluit Deus honorare, ut eorum causa facile eos ad regnum cælorum admittat, qui illis stipem dant, atque idcirco, quia misericordes sunt, misericordiam consequuntur. Non dixit autem Christus, ut postquam pauperes mortui fuerint, recipient vos ibi, sed, ut cùm vos defeceritis, seu mortui fueritis, ipsi recipient vos, adhuc in hac vita manentes. Quod proprium est regum, qui etsi extra regnum suum versentur, tamen alios in regnum intromittere possunt. Ad eundem enim modum pauperes, adhuc extra cælum existentes, alios ad cælum queunt promouere, non impetrando tantum, sed etiam viscera eorum mouendo, ut siant misericordes, atque idcirco & ipsi misericordiam consequantur. *Hac est illa perfecta iustitia,* inquit Lactant. I. 6.
cap. 12 de
vero cult.

Orationes sane pauperum dignas esse, qua impetrant, quod III.
 orant, ostendit D. Petrus in Thabitha, quæ erat plena bonis operibus, & Eleemosynis, quæ faciebat, pro qua Petrum circumsteterunt Act. 9. 36.